



Република Северна Македонија  
Republika e Maqedonisë së Veriut

## АПЕЛАЦИОНЕН СУД ГОСТИВАР ГЈУКАТА Е АПЕЛИТ ГОСТИВАР

Ул. Живко Брајковски бр.1, 1230 Гостивар / тел: 042-221-544 / info@asgostivar.mk  
Rr. Zhivko Brajkovski nr.1, 1230 Gostivar / tel: 042-221-544 / info@asgostivar.mk

**AGJ.nr.04-1/22**  
**10.01.2022**  
**Gostivar**

Kryetari i Gjykatës së Apelit Gostivar, Bekim Mehmedi, në bazë të nenit 92 paragrafi 2 të Ligjit për Gjykatat ('Gazeta Zyrtare e RM', nr.58/2006, nr.62/2008, nr.35/2008 dhe nr.150/2010) dhe neni 7 paragrafi 1 pika 4 nga Rregullorja gjyqësore ('Gazeta Zyrtare e RM', nr.66/2013) sipas mendimit të marrë nga mbledhja e gjykatësve të Gjykatës së Apelit Gostivar, sot më datë 10.01.2022 vërtetoi të mëposhtmen:

### **PROGRAMI**

#### **për punë në Gjykatën e Apelit në Gostivar 2022.**

Me këtë program, përcaktohen punët dhe detyrat në Gjykatën e Apelit Gostivar, posaçërisht llojin dhe numrin e lëndëve sipas të cilave gjykata vepron, detyrat dhe punët në lidhje me ndjekjen dhe mësimin e problematikave të cilat dalin nga praktika gjyqësore, ndërsa janë në interes të zbatimit të drejtë të ligjeve.

Gjykatësi Bekim Mehmedi, me vendim të Këshillit Gjyqësor të Republikës së Maqedonisë së Veriut nr.09-1893/1 nga data 09.12.2020 është zgjedhur kryetar i Gjykatës së Apelit në Gostivar.

Në pajtim me vendimin e Këshillit Gjyqësor të Republikës së Maqedonisë së Veriut, në këtë gjykatë është vërtetuar funksioni i 16 gjykatësve, duke përfshi edhe kryetarin e gjyqit në vitin raportues 2021, funksionin e gjykatësit e kanë kryer 11 gjykatës, përfshi edhe kryetarin e gjyqit.

Në pajtim me orarin vjetor për punë në Gjykatën e Apelit Gostivar për vitin 2022, funksionin e gjyqësve do ta kryejnë 11 gjykatës përfshi edhe kryetarin e gjyqit.

Nga këto arsye, sipas raportit të vitit 2021, gjykata ka pasur probleme me mungesën e gjykatësve gjegjësisht në sektorin penal ku funksionin e gjykatësit e kanë kryer 4 (katër) gjykatës, përfshi edhe kryetarin e gjyqit, ndërsa në sektorin civil 7 (shtatë) gjykatës ku pritet që edhe gjatë vitit 2022 problemet të thellohen edhe në

materien civile nëse nuk merren masa për zgjedhje të gjykatësve të rinj, që të mundësohet funksionim më efikas i gjykatës.

Nga këto arsye, gjykatësit e sektorit civil do të marrin pjesë në këshillin penal me nga pesë gjykatës në punë me sektorin penal, gjithashtu gjykatësit nga sektori penal për shkak të nevojës së marrjes së lëndëve, mungesës ose pushimit vjetor dhe kompletimin e këshillit, do të shpërndahen si anëtarë të këshillit në sektorin penal.

Në fund të vitit 2021, deri më datë 31.12.2021 në Gjykatën e Apelit në Gostivar ka pasur **46** të punësuar, nga të cilët, **11** janë gjykatës së bashku me kryetarin e gjyqit dhe **32** nëpunës gjyqësor, dhe atë: **1** udhëheqës i administratës, **1** udhëheqës në sektorin e informatikës, **7** këshilltarë gjyqësor, **2** bashkëpunëtor gjyqësor, **7** bashkëpunëtor të rinj gjyqësor, **2** bashkëpunëtor – përkthyes, **1** bashkëpunëtor i ri – ekonomist, **1** referent i pavarur – kontabilist, **1** referent gjyqësor në sektorin e informatikës, **1** referent i lartë në sekretarinë e sektorit penal, **1** referent i ri gjyqësor në sekretarinë e sektorit civil, **1** referent i lartë në arhivën e gjyqit, **6** referent gjyqësor – daktilograf dhe **1** anëtar i policisë së gjykatës.

Kuadri teknik, në pajtim me LMP, ka të punësuar 1 vozitës dhe 2 pastrues.

Gjykata udhëheq pa administrator gjyqësor për shkak të shkuarjes në pension më datë 07.08.2020, ndërsa detyrat e tij i udhëheq bashkëpunëtori gjyqësor deri në zgjedhjen e administratorit gjyqësor dhe një vend pune bashkëpunëtor i ri gjyqësor është vënë në pushim për shkak të përsosjes profesionale deri më datë 11.02.2022.

Në pajtim me Rregulloren e organizimit të brendshëm dhe sistematizim të vendeve të punës në këtë gjykatë është planifikuar 110 – kryerës nëpunës gjyqësor, 10 – kryerës të personelit teknik dhe 8 – kryerës të policisë gjyqësore.

Në rrjedhë është procedura për punësim me kohë të pacaktuar të 2 (dy) bashkëpunëtorëve gjyqësor, 1 (një) referent i ri – kryerës i punëve administrativo teknike, pas shpalljes publike nr.2/21 nga data 15.12.2021 dhe 1 (një) pjesëtar i policisë gjyqësore pas shpalljes publike nr.3/21 nga data 23.12.2021.

Për shkak se deri tash nuk janë mbushur vendet e punës për gjykatës, presim që gjatë vitit 2022 të bëhet zgjidhje e 2 (dy) gjykatësve, në sektorin penal.

Gjykata ka në shërbim një sallë për gjykime me sistem të regjistrimit të zërit.

Në lidhje me aplikimin e dispozitave të Ligjit për Procedurë Kontestimore dhe Ligji për Procedurë Penale për mbajtje të seancave publike sipas lëndëve, përveç regjistrimit të zërit për sektorin civil, planifikohet që në tërësi të përgaditet salla e gjykimeve edhe për lëndët për të cilat mbahet seancë publike nga sektori penal, si dhe të pajiset me aparaturë audio-vizuele.

Me kryerjen e funksionit të gjykatësit nga ana e gjykatësve në pajtim me kushtetutën, ligjet, marrëveshjet ndërkombëtare, të cilat janë të ratifikuara në pajtim me kushtetutën e RMV dhe konkretisht përcaktimin e detyrave të punës, do të realizohet dhe zbatohet drejtësia, dhe do të mbrohen të drejtat dhe liritë e njeriut.

Përmes zgjedhjes së numrit më të madh të lëndëve, me kualitet më të lartë të përgaditjes së vendimeve gjyqësore, zgjedhje e lëndëve në afatet e përcaktuara në pajtim me ligjet, rregulloren gjyqësore dhe programin për punë në Gjykatën e Apelit Gostivar dhe me zvogëlimin e numrit të lëndëve të vjetra të pazgjedhura Gjykata e Apelit Gostivar duhet të jetë më efikase dhe më kualitative në punën e saj.

Në vitin raportues 2021, gjithsej në punë ka pasur 3870 lëndë, nga të cilat 471 janë transferuar si të pambaruara nga viti raportues 2020 dhe 3399 të regjistruara si lëndë të reja.

Fluksi i lëndëve të reja në krahasim me vitin e kaluar 2021, është rritur për 476 lëndë.

Në fund të vitit raportues 2021 janë zgjedhur 3207 lëndë, dhe kanë ngelur të pambaruara 663 lëndë.

Gjatë vitit 2021 janë regjistruar 1324 lënë nga udhëheqësia gjyqësore.

Në pajtim me nenin 92 paragrafi 1 të Ligjit mbi Gjykatat, mbledhje e gjykatësve e përbëjnë të gjithë gjykatësit dhe për këtë shkak pjesëmarrja në mbledhje është e domosdoshme, ndërsa mungesa në mbledhje duhet të paralajmërohet dhe të arsyetohet.

Në bazë të nenit 92 paragrafi 2 nga Ligji për gjykatat dhe neni 7 nga Rregullorja gjyqësore, me programin për punë të gjykatës konkretizohen punët dhe detyrat nga rrethi i gjyqit, veçanërisht lloji dhe numri i lëndëve, punët dhe detyrat për ndjekje të studimit të problemeve që dalin nga praktika e gjykatës që janë në interes të zbatimit të vetëm dhe të drejtë të ligjit, dhënia e ndihmës të gjykatat themelore të rajonit të këtij gjyqi, nëpërmjet vizitave të punës të gjykatësve të caktuar për bashkëpunim me gjykata themelore konkrete, marrja e qëndrimeve sipas pyetjeve të drejtësisë dhe të tjera.

Me konkretizimin e punëve dhe detyrave nga ky gjyq në kryerjen e funksionit të gjykatës të miratuar me Kushtetutën e Republikës së Maqedonisë së Veriut, ligjet dhe marrëveshjet ndërkombëtare në pajtim me Kushtetutën e Republikës së Maqedonisë së Veriut, sigurohet zbatim dhe mbrojtje e të drejtës dhe lirive të njeriut.

Sipas kësaj, qëllime dhe funksione, në pajtim me Programin për punë të Gjykatës së Apelit në Gostivar, janë:

- zgjedhja në kohë dhe kualitative e lëndëve të evidentuara në sistemin AKMIS;
- mbrojtja dhe respektimi i të drejtave dhe lirive të njeriut;
- zbatim i paanshëm i të drejtës pa marrë parasysh pozitën dhe funksionin e palëve;
- sigurim i të drejtës dhe vendosja e kushteve që secili njeri të jetojë sigurtë në korniza të zbatimit të të drejtës;
- dhënia e ndihmës të gjykatat themelore në rajonin e këtij gjyqi;
- përgaditja e analizave, informacioneve etj të cilat dë të ndihmojnë në zbatimin e drejtë të drejtësisë;
- harmonizimi i punës së kësaj gjykate me gjykatat themelore të rajonit nëpërmjet raporteve për punë të gjykatave, veçanërisht për arsyet e lëndëve të vjetra, me vizitat e gjykatave themelore me zgjedhje të lëndëve konkrete në procedurë ankimese;

- ndjekja e planit për ulje të mbetjes së lëndëve të pazgjedhura në Gjykatën e Apelit në Gostivar dhe gjykatave themelore nga rajoni i kësaj gjykate;
- takime dhe këshillime të organizuara me gjykatat themelore në lidhje me punën e gjykatësve;
- takime në nivel të gjykatave të apelit për barazim të praktikës gjyqësore, me Gjykatën e Lartë të Republikës së Maqedonisë së Veriut, avokaturave, organeve shtetërore, posaçërisht me Shoqatën e gjykatësve në lidhje me edukimin e gjykatësve dhe Këshillin për administratë gjyqësore dhe organeve të tjera shtetërore, për shkak të edukimit të nëpunësve gjyqësor;
- realizimi i Programës së Akademisë për gjykatës dhe prokurorët publik dhe personelin administrativo – teknik të Gjykatës së Apelit në Gostivar, do të kryhet ashtu si është paraparë në kalendarin e Akademisë.
- përmirësim i vazhdueshëm dhe mirëmbajtje e sistemit për menaxhim të kualitetit ISO9001:2015 me kontrole të rregullta të brendshme nga kontrollues të brendshëm të çertifikuar në Gjykatën e Apelit në Gostivar, ndjekja e rregullt dhe përmirësim i dokumentacionit të plotë të sistemit me qëllim të raportit pozitiv për kontroll të jashtëm nga trupi çerfetikues INTERCEPT.

Për realizimin e programit kujdeset Kryetari i gjykatës, gjykatësit dhe të punësuarit në gjykatë.

Në vitin 2022 puna në Gjykatën e Apelit në Gostivar do të kryhet nëpërmes:

- Sektorit Penal me këshillat e specializuar;
- Sektorit Civil me këshillat e specializuar;
- Departamenti i praktikës gjyqësore dhe evidencës;
- Departamenti për shërbime profesionale;
- Departamenti i informatikës;
- Departamenti për marrëdhënie me publikun;
- Departamenti për punë finansiare-materiale; dhe
- Departamenti për burime njerzore;

## **PUNA SIPAS LËNDËVE**

### **I. SEKTORI PENAL.**

Në Sektorin Penal me orarin për punë të vitit 2022, janë përcaktuar të punojnë 4 gjykatës, përfshi edhe kryetarin e gjykatës, 1 udhëheqës i administratës, 3 këshilltarë gjyqësor, 1 bashkëpunëtor profesional dhe 2 bashkëpunëtor të rinj gjyqësor.

Në vitin 2022 sektori penal do të punojë me lëndët KSZH, KZH, KZHM dhe KR me:

- **një** këshill penal me tre gjykatës, që do të veprojnë me lëndët KSZH dhe KR;
- **një** këshill penal me pesë gjykatës, që do të veprojnë me lëndët KZH;
- **dy** këshilla penal që do të veprojnë me lëndët KZH;
- **një** këshill penal për fëmijë, që do të veprojnë me lëndët KZHM;

Në vitin 2021 në Sektorin Penal sipas të gjitha llojeve të lëndëve, të përcjellura si të pazgjedhura nga viti 2020 ka 187 lëndë, të reja të pranuar 1325, gjegjësisht në punë në vitin 2021 ka pasur 1512 lëndë, ndërsa në vitin raportues 2021 janë zgjedhur 1331, ndërsa si të pazgjedhura kanë ngelur 181 lëndë.

Pritet që në sektorin penal në vitin 2022, në punë të ketë gjithsej nga të gjitha llojet e lëndëve rreth 1700 lëndë me normën e orientimit dhe 100 'KR' lëndë pa normë orientimi.

Lëndët penale në vitin 2022 do të zgjidhen, më pak të komplikuar në afat prej 3 muaj, më shumë të komplikuar më së voni deri në 6 muaj nga pranimi i lëndës në gjykatë, përfshi edhe lëndët sipas të cilave deklarohet prokurori i lartë publik dhe lëndët sipas të cilave mbahen seanca publike, në kushte të numrit të duhur të gjykatësve në sektorin penal, gjegjësisht nëse nuk zgjidhen edhe dy gjykatës, që do të punojnë në këtë sektor.

Lëndët në sektorin penal do të zgjidhen sipas pranimit të tyre në Gjykatën e Apelit Gostivar në pajtim me nenin 134 nga rregullorja gjyqësore, përveç në raste urgjente ose raste të tjera të arsyetueshme.

Në pajtim me nenin 134 paragrafi 2 nga rregullorja gjyqësore për zgjedhjen në afat të duhur kohor të lëndëve kujdeset gjykatësi i cili është kompetent të veprojë sipas lëndëve konkrete dhe kryetari i gjykatës.

Çdo gjykatës e njofton kryetarin e gjyqit, me pregaditjen e raporteve për lëndë të pazgjedhura në afat të duhur kohor dhe arsyet pse nuk janë zgjedhur lëndët, dhe atë në çdo tre muaj.

## **II. SEKTORI CIVIL.**

Në sektorin civil me orarin për punë për vitin 2022, janë përcaktuar që të veprojnë 7 gjykatës, 4 këshilltarë gjyqësor dhe 4 bashkëpunëtorë të rinj.

Spektori Civil do të punojë në vitin 2022, në lëndët GZH, TSZH, ROZH dhe R me:

- **dy** këshilla civil, që do të veprojnë me lëndët GZH;
- **një** këshill me lëndë kontestet ekonomike të punës, që do të veprojnë me lëndët TSZH DHE ROZH;
- **një** këshill për punët e dëmshpërblimit të dëmeve i cili do të veprojnë në pajtim me ligjin për përgjegjësi civile për shpifje dhe ofendim, lëndë me shenjë P5 – vërtetim të përgjegjësisë civile për shpifje dhe ofendim;
- **një** këshill të posaçëm i cili do të veprojnë lëndët civile të lidhura me falimentim.

Në vitin 2021 në Sektorin Civil me të gjitha llojet e lëndëve të përcjellura si të pazgjedhura nga viti 2020 janë 284 lëndë, të reja të pranuar janë 2074 lëndë, gjegjësisht gjithsej në punë në vitin 2021 ka pasur 2358 lëndë, ndërsa në vitin raportues 2021 janë zgjedhur 1876 lëndë, ndërsa si të pazgjedhura kanë ngelur 482 lëndë.

Pritet që në sektorin civil në vitin 2022 në punë të ketë nga të gjitha llojet e lëndëve rreth 2600 lëndë me normën e orientimit dhe 50 lëndë që nuk janë të përfshira në normën e orientimit.

Lëndët civile në vitin 2022 që janë pranuar në Gjykatën e Apelit Gostivar dhe janë më pak të koklavitura do të zgjidhen në afat prej 3 muaj nga pranimi i tyre në gjyq, ndërsa më shumë të komplikuar do të zgjidhen në afat prej 6 muaj nga data e pranimit në gjykatë.

Lëndët do të zgjidhen sipas rradhës së pranimit të lëndës në Gjykatën e Apelit Gostivar, përpos në raste urgjente ose raste të tjera të arsyetueshme, ashtu si është paraparë me nenin 134 nga rregullorja gjyqësore.

Gjykatësi i cili vepron me lëndën dhe kryetari i gjykatës, do të kujdesen për zgjidhjen e lëndëve sipas rradhës së pranimit ose marrja në punë e lëndëve urgjente ose atyre me prioritet.

Çdo gjykatës i sektorit civil është i obliguar që në çdo 3 muaj të raportojë kryetarin e gjyqit për lëndët e pazgjedhura në afatet e caktuara me raport me shkrim duke i përmendur arsyet e vonesës.

Gjatë zgjedhjes së të gjitha llojeve të lëndëve, do të ju kushtohet rëndësi e veçantë lëshimeve në gjykatat themelore në lidhje me kohëzgjatjen e procedurës, dërgesa e lëndëve me ankesë me lëshimet dhe të papërgaditura, vonesa gjatë dërgesës së ankesës së lëndëve, lëshimeve të tjera.

Për lëshimet e konstatuara tek gjykatat e shkallës së parë, gjykatave të shkallës së parë i'u jepet njoftim gjatë kryerjes së vizitave në gjykatat themelore në rajonin e Gjykatës së Apelit Gostivar, si dhe me njoftime të posaçme.

Në rastet kur vjen deri të vjetërsimi i ndjekjes penale, që është vërejtur gjatë zgjedhjes së lëndëve penale dhe kundërvajtëse duhet të shënohen arsyet se pse ka ardhur deri te vjetërsimi i ndjekjes penale, dhe të evidentohet në cilën fazë të procedurës dhe kur saktë është bërë vjetërsimi i ndjekjes penale.

Përpos kësaj, duhet të vërtetohet gjatë zgjedhjes së lëndëve me paraburgim, nëse këto lëndë dërgohen me ankesë të Gjykatës së Apelit Gostivar në kohë ose jo, dhe nëse vonohen gjatë dërgesës të ceken arsyet e vonimit.

Do të analizohet dhe vërtetohet nga ana e Gjykatës së Apelit Gostivar në lidhje me të gjitha llojet e lëndëve nëse gjykatat e shkallës së parë me anulim të vendimeve të tyre gjyqësore a kanë vepruar sipas udhëzimeve të Gjykatës së Apelit Gostivar, si dhe udhëzimeve të nxjerra në vendimet gjyqësore të Gjykatës Supreme të RMV.

### **III. SEKTORI PËR PRAKTIKE GJYQËSORE DHE EVIDENCË.**

Gjatë vitit 2021 në këtë sektor do të punojnë: kryetari i gjyqit, kryetari i sektorit penal dhe kryetari i sektorit civil, ndërsa këtyre do të ju ndihmojnë bashkëpunëtorët

profesional, ashtu si është caktuar me Orarin Vjetor të Gjykatës së Apelit në Gostivar në vitin 2021.

Në faqen e internetit të gjykatës, është publikuar formular për praktikë gjyqësore që kryetarët e këshillave duhet ta mbushin me të dhëna pasi që këshilli të ketë vlerësuar se vendimi duhet të shenjëzohet si shembull në praktikën gjyqësore.

Kryetarët e sektorëve e përcaktojnë mënyrën në të cilën sektori për praktikë gjyqësore i evidenton mendimet juridike të pranuar në seancat e sektorëve dhe mënyrën e evidentimit të praktikës gjyqësore me aplikacionin e ri të teknologjisë bashkëkohore, instalimin qendror dhe mirëmbajtje dhe qasje të lehtë.

Në seancën e Sektorit do të silllet Plan për ndjekjen e praktikës gjyqësore dhe paraqitjen e dukurive shoqërore dhe raportet për studim të tyre dhe punë të mëtutjeshme dhe do të formulohen propozime dhe pyetje që fliten në seancat e sektorëve për shkak të marrjes së qëndrimit për barazim të praktikës gjyqësore.

### **Qëllimet e planit.**

Me planin vjetor përcaktohen qëllimet në lidhje me punën e rregullt dhe efikase të sektorit, me qëllim të promovimit dhe barazimit të praktikës gjyqësore në raport me aplikimin e ligjit për veprim të rregullt nëpër Republikën e Maqedonisë së Veriut me theks të veçantë të këtij gjyqi dhe gjykatave të këtij rajoni.

Në sektor do të evidentohen:

- vendimet e Gjyqit Evropian për të drejtat e njeriut në Strazburg;
- vendimet e Gjyqit Suprem të Republikës së Maqedonisë së Veriut ku ka pikëpamje ligjore, punime të ekspertëve dhe rishikimet e botuara në Buletinin e Praktikës Gjyqësore të Gjykatës Supreme të RMV dhe Mbledhjen e Vendimeve Gjyqësore, si dhe Parimet e Gjykatës Supreme;
- qëndrimet e marra të sektorëve të Gjykatës së Apelit për çështjet e veçanta juridike të inicuar nga Gjykata e Apelit në Gostivar dhe Gjykatave Themelore të rajonit të kësaj gjykate.
- pikëpamjet e përbashkëta juridike në nivelin e Gjykatave të Apelit të RMV;
- analiza, informacione dhe indikacione të Gjykatës së Apelit Gostivar dhe gjykatave themelore të rajonit të kësaj gjykate;
- ndjeshmëri, rishikime dhe materiale të tjera për Buletinin e Praktikës së Gjykatës së Apelit Gostivar ,
- materiale për edukimin e gjykatësve dhe kuadrit profesional në nivel të Gjykatës së Apelit në Gostivar;
- materiale të tjera të rëndësishme për evidentimin dhe praktikën gjyqësore;
- axhurim i rregullt dhe mirëmbajtje e të dhënave për Programën e re të praktikës gjyqësore e cila është plotësisht e ripërpiluar gjatë vitit 2020.

### **Resurse për zbatimin e Planit.**

Personat përgjegës në zbatimin e planit janë kryetari i gjyqit, Kryetari i sektorit për praktikë gjyqësore, kryetarët e sektorit civil dhe penal dhe administratori i gjykatës si dhe

bashkëpunëtorët profesional të cilët emërohen në mënyrë alternative sipas planit vjetor për punën e gjykatës si dhe tekniku i teknologjisë informative.

### **Aktivitete për zbatimin e Planit.**

Plani vjetor i vitit 2022 do të zabtohet nëpërmjet aktiviteteve të mëposhme:

- Анализа на предметите низ соработка со активни состаноци на ниво на оддел со судиите на Апелациониот суд Гостивар одделно во Граѓанскиот и Кривичниот оддел.
- Analiza e lëndëve përmes bashkëpunimit me mbledhje aktive në nivel të sektorit me gjykatësit e Gjykatës së Apelit Gostivar veçmas në sektorin civil dhe sektorin penal.
- Propozime për të cilat vendimet do të referohen si praktikë gjyqësore;
- Ndjekja e praktikës gjyqësore në Gjykatat tjera të Apelit në Republikën e Maqedonisë së Veriut,
  - Ndjekja e vendimeve të Gjykatës Supreme të RMV;
  - Ndjekja e vendimeve të sjella nga gjykata për të drejtat e njeriut në Strazburg;
  - Ndjekja e literaturës profesionale ku publikohen vendimet gjyqësore (publikime nga sfera e drejtësisë dhe bulentineve të ndryshme);
  - Ndjekja e trajnimeve që organizohen me qëllim të harmonizimit të praktikës gjyqësore dhe atë nga Akademia e gjykatësve dhe prokurorëve publik të RMV dhe organizatave ndërkombëtare.
- Pjesëmarrje aktive për përgaditjen e temave për trajnime me propozime konkrete për tema me qëllim të barazimit të praktikës gjyqësore.
- Përgaditje dhe publikim i Buletineve.
- Rraportet mujore – regjistra për mbajtje të mbledhjeve në nivel të Gjykatës së Apelit,

### **KRYETARI I GJYQIT.**

Nga lëndët të cilat janë në rrethin dhe përgjegjësinë funksionale të kryetarit të gjyqit në regjistrat 'SU' dhe 'SU1' deri në 'SU7', 'SU.DOV', 'SU.STR.DOV' dhe 'UPP', 'SU-IZZ'.

Në fund të vitit 2021 u zgjodhën gjithsej sipas të gjitha regjistrave 1324 lëndë, lëndë të pazgjedhura nuk janë të evidentuara në regjistrat e këtij gjyqi, ndërsa në vitin 2022 pritet të ketë po aq lëndë.

Në vitin 2022 kryetari i gjyqit do të kujdeset për punë të plotë të gjykatës në të gjitha pjesët e punës dhe do të marrë masa në atë drejtim në pajtim me ligjin.

Në pajtim me nenin 24 të rregullores gjyqësore, kryetari i Gjykatës së Apelit në Gostivar, me kryetarët e gjykatave themelore të këtij rajoni nën kompetenca të Gjykatës së Apelit në takime të përbashkëta së paku 2 herë në vit do të analizojnë të dhënat nga statistikat gjyqësore dhe raportet e punës së gjykatave themelore që do të marrin masa për barazim të praktikës gjyqësore, Gjykata e Apelit do të nxjerr dobësitë e punës së gjykatave themelore me propozim për mënjanimin e tyre me çka do të njoftohen ene institucionet përkatëse të RMV.



## **LËNDË TË VJETRA DHE ME PRIORITET**

Kryetarët e gjykatave themelore në rajonin e Gjykatës së Apelit në Gostivar, do të monitorojnë punën e gjyqtarëve përmes programit AKMIS, që është detyrimi i tyre ligjor, do të monitorojnë gjendjen e lëndëve të vjetra të pazgjidhura përmes organeve punuese, dhe për kryetarin e gjykatës do t'i propozojnë masa për përpilimin e planeve për zgjidhjen e lëndëve të vjetra. Kryetarët do të takohen më shpesh për të monitoruar përmbushjen e planit dhe nëse është e nevojshme, ta ndryshojnë dhe plotësojnë atë.

Gjykatësit do të paraqesin raport me shkrim për lëndët e vjetra të pa zgjidhura në raportet mujore me arsyet e mos zgjidhjes dhe një plan kur lënda do të zgjidhet.

Në vitin 2022 është përgjegjësi e të gjithëve, përfshirë edhe Gjykatën e Apelit në Gostivar, që lëndët e vjetra të zgjidhen në gjykatat themelore deri në gjysmën e parë të vitit, dhe lëndët nga 2017, 2018, 2019, 2020 dhe 2021 të zgjidhen deri në fund të vitit.

Gjykatat themelore që kanë lëndë të vjetra në vitin 2022, të kushtojnë vëmendje të veçantë që ky numër i lëndëve të zvogëlohet dhe të vërtetohet arsyeja për moszgjedhjen e lëndëve të vjetra dhe ekzistimin eventual të përgjegjësisë së gjyktësve që nuk i kanë zgjedhur lëndët e vjetra.

Situatat e tilla do të shqyrtohen në mbledhje të përbashkëta në mes kryetarit të Gjykatës së Apelit Gostivar dhe kryetarëve të gjykatave themelore në rajon të kësaj gjykate.

Me zgjedhjen e plotë të lëndëve të vjetra do të kontribuohet në ankesat e qytetarëve për punën e gjykatave, por edhe zvogëlimi i shpenzimeve në buxhetin e Këshillit Gjyqësor për pagesa të kompensimeve për gjykim në afat jo të planifikuar.

Në Gjykatë e Apelit Gostivar planifikohet që në vitin 2022 të mos ketë lëndë të pazgjedhura më të vjetra se 6 muaj nga dita e pranimi të lëndës në këtë gjykatë, me përjashtim të atyre lëndëve që nga arsye objektive nuk kanë mundur të zgjidhen në atë afat kohor.

## **Shqyrtime dhe informacione përmbljedhëse**

Për vitin 2022 do të përgatiten shqyrtime dhe informacione përmbljedhëse.

- përmbljedhjen në gjykatë për vendimet e shfuqizuara dhe të ndryshuara nga regjistrat KZH, KZHM, KSZH, PRKZH dhe KR, të cilat do t'i përgatis gjykatësi Abdulbari Ramadani me bashkëpunëtorin gjyqësor Vesna Iliq.

- përmbljedhjen në gjykatë për vendimet e shfuqizuara dhe të ndryshuara nga regjistri GZH, do t'i përgatis gjykatësi Velko Strashevski me bashkëpunëtorin gjyqësor Leonora Jakupi.

- përmbljedhjen në gjykatë për vendimet e shfuqizuara dhe të ndryshuara nga regjistri ROZH, do ti përgatis gjykatësi Izet Ismaili me bashkëpunëtorin gjyqësor Arjeta Iljazi.

- përmbledhjen në gjykatë për vendimet e shfuqizuara dhe të ndryshuara nga regjistri GZH, do ti përgatis gjykatësi Rafis Idrizi me bashkëpunëtorin gjyqësor Aleksandar Duroski.

- informacioni për veprim me lëndët UPP të Gjykatës Apelit Gostivar për vitin 2022 që do të përgaditet nga Kryetari i Gjykatës dhe nëpunësi gjyqësor i autorizuar Sedulla Memedi.

- informacioni për gjendjen me zgjidhjen e lëndëve të vjetra në gjykata themelore për vitin 2022 do t'i përgatisin kryetari i gjykatës dhe administratori gjyqësor.

## **TAKIMET DHE KËSHILLAT**

Gjatë viti 2022 janë paraparë takime dhe këshilla:

- takimet e kryetarit të Gjykatës së Apelit Gostivar me kryetarët e gjykatave themelore në këtë rajon të apelit, për çështje të administratës gjyqësore dhe çështje të tjera aktuale,

- takimet e kryetarit të Gjykatës së Apelit Gostivar me kryetarët e gjykatave të Apelit në Shkup, Shtip dhe Manastir, për çështje aktuale dhe çështje ligjore që lidhen me zgjidhjen e lëndëve,

- takimi i kryetarëve të Gjykatave të Apelit dhe Gjykatës Supreme sipas sektorëve,

- takimi i kryetarit të Gjykatës së Apelit Gostivar dhe kryetarëve të sektorëve me organe dhe institucione të tjera shtetërore për të zgjidhur problemet që do të paraqiten gjatë punës së gjykatës dhe gjykatave themelore të regjionit të Gjykatës së Apelit Gostivar,

- vendim për pjesëmarrje në këshillime, tavolina të rrumbullakëta dhe të tjera, pavarësisht programës së Akademisë, do të sjell kryetari i gjyqit dhe kryetarët e sektorëve në varshmëri të rëndësisë së pyetjeve të cilat do të shqyrtohen në këshillimet e përcaktuara dhe takimet e punës.

Stafi profesional dhe stafi administrativ dhe teknik në Gjykatën e Apelit Gostivar do të marrin pjesë në konsultimet e organizuara nga Akademia për Gjykatësit dhe Prokurorët Publik.

Kryetarët e sektorëve në Gjykatën e Apelit Gostivar, deri në fund të shkurtit të vitit 2022, do të përgatisin programet e punës së sektorëve.

Programi i Punës i sektorëve të Gjykatës Apelit Gostivar do të përcaktojë kalendarin për vizitat e punës dhe mbledhjet e gjykatave të shkallës së parë në rajonin e Gjykatës së Apelit Gostivar për vitin 2022.

## **VIZITA DHE KONTROLLI I GJYKATAVE THEMELORE LOKALE**

Për shkak të ndjekjes së punës në gjykatat themelore në rajon të Gjykatës së Apelit Gostivar, rreth zgjidhjes së lëndëve, dhënia e ndihmës profesionale dhe ndjekja e gjendjes me lëndët e vjetra të pazgjedhura do të përcaktohen dhe realizohen vizita dhe kontrole në gjykatat themelore.

Kryetari i Gjykatës së Apelit Gostivar, së bashku me kryetarët e gjykatave themelore, do të shqyrtojnë gjendjen me udhëheqësinë e administratës, në pajtim me nenin 7 nga rregullorja gjyqësore.

Gjykatësit do të japin mendimin e tyre për:

-nëse ka arsye objektive apo subjektive për zvarritjen e procedurës;  
-nëse kanë vërejtje të përcaktuara në lidhje me zgjidhjen e lëndës atë ta përmendin me qëllim që të zgjidhet më shpejtë lënda e vjetër ose e pazgjidhur.

Gjatë kryerjes së vizitave dhe kontrolleve për lëndët e vjetra gjykatësit e Gjykatës së Apelit Gostivar do të japin ndihmë juridike për pyetje të posaçme juridike në lidhje me zgjidhjen e lëndës për të cilat më parë kanë kërkuar ndihmë sektorët penal dhe civil të gjykatave, ndërsa do të prezantohen vërejtjet e konstatuara gjatë zgjidhjes në lëndët e shkallës së dytë me qëllim që të mënjnohen dobësitë në zgjidhjen e lëndëve të shkallës së parë dhe do të tregojnë në punë të tjera me rëndësi për punën e gjykatës.

Gjykatësit nga Gjykata e Apelit Gostivar nga sektori penal dhe civil, pas kryerjes së vizitave dhe kontrolleve, do të pregaditë çdokush prej tyre raport të posaçëm për veprimet e ndërmarra dhe vizitat e kryera në gjykatat themelore, në afat prej 8 ditësh nga kryerja e vizitës, raporte të cilat dërgohen deri te Këshilli Gjyqësor i RMV, Gjykata Supreme e RMV, Ministria e drejtësisë dhe Gjykatat Themelore.

Për shkak të ndjekjes së vazhdueshme të punës të secilit nga gjykatat themelore nga ky rajon i apelit, si dhe për shkak dhënies së ndihmës profesionale, goftë me kërkesë të gjykatës themelore ose me iniciativë të kësaj gjykate, si dhe me kërkesë të gjykatësit nga gjykata themelore, formohen grupe të veçanta pune dhe në këtë mënyrë për shkak të ndjekjes së vazhdueshme të punës së secilës gjykatë dhe dhënies së ndihmës profesionale me kërkesë të gjykatës themelore ose me iniciativë të Gjykatës së Apelit Gostivar, formohen grupet e punës të poshtëshënuara:

### **1. Për Gjykatën Themelore Tetovë përcaktohen gjykatësit:**

#### **PËR SEKTORIN PENAL,**

- Shefajet Hajdari dhe Bekim Mehmedi,

#### **PËR SEKTORIN CIVIL,**

- Velko Strashevski dhe Izet Ismaili.

### **2. Për Gjykatën Themelore Gostivar përcaktohen gjykatësit:**

#### **PËR SEKTORIN PENAL,**

- Abdulbari Ramadani dhe Gjerasim Gjerasimovski,

#### **PËR SEKTORIN CIVIL,**

- Ali Aliu dhe Rafiz Idrizi.

### **3. Për Gjykatën Themelore Kërçovë përcaktohen gjykatësit:**

#### **PËR SEKTORIN PENAL,**

- Shefajet Hajdari dhe Abdulbari Ramadani,

## **PËR SEKTORIN CIVIL,**

- Rafiz Idrizi dhe Zlatko Angjeloski.

### **4. Për Gjykatën Themelore Dibër përcaktohen gjykatësit:**

## **PËR SEKTORIN PENAL,**

- Bekim Mehmedi dhe Gjerasim Gjerasimovski,

## **PËR SEKTORIN CIVIL,**

- Afrim Jakupi dhe Liljana Ickova.

Për ndjekjen e gjendjes me gjykatat themelore, gjykatësit të cilët janë të përcaktuar për dhënien e ndihmës juridike nëse kanë nevojë do të kërkojnë nga kryetarët e gjykatave themelore të dhëna të posaçme.

Për përcaktimin e gjykatësve për dhënien e ndihmës juridike dhe ndjekjen e gjendjes në gjykata themelore konkrete nga rajoni i Gjykatës së Apelit Gostivar do të njoftohen kryetarët e gjykatave themelore, Këshilli Gjzqësor i RMV dhe Gjykata Supreme e RMV.

Çdo punëtor i stafit tekniko-administrativ punën dhe ta kryejë paster dhe me efikasitet në korniza të detyrave të punës të parapara me aktet e gjyqit dhe ajo që do t'i jepet në besim në punë nga ana e kryetarit të gjyqit dhe është i detyruar të mbajë ditar ku do të evidentojë punët e kryera të përditshme që do të jenë në dobi gjatë vlerësi mit të punëve të tyre.

Udhëheqësi i administratës Pëllumbesha Seferi dhe nëpunësi gjyqësor i përcaktuar Sedulla Memedi do t'i kontrollojnë punët e të gjithë nëpunësve gjyqësor, ardhjen e punëtorëve në vendin e punës, dalja e tyre gjatë orarit të punës, shkuarja e tyre nga puna dhe disciplina e tyre gjatë kryerjes së detyrave të punës.

Policia gjyqësore është e detyruar të kryejë sigurim të ndërtesës së gjyqit, njerëzve dhe mjeteve, ashtu siç është paraparë me Planin për Siguri nga ana e kryetarit të Gjykatës së Apelit Gostivar, të trajnohet në mënyrë teorike dhe praktike ashtu si është paraparë në Programin për trajnim të policisë gjyqësore në vitin 2022 dhe aktet e sjella nga Ministri i Drejtësisë. Çdo polic gjyqësor i cili është në orar pune të mbajë evidencë për të legjitimuar palët që hyjnë dhe dalin në gjykatë.

Për realizimin e kësaj Porgrame, përgjegjës është kryetari, gjykatësit, administratori gjyqësor, nëpunësit gjyqësor dhe të gjithë të punësuarit në gjykatë.

Programi Vjetor do të zbatohet nga data 01.01.2022.

Kryetar i  
Gjykatës së Apelit Gostivar  
Bekim Mehmedi